

Na osnovu Odluke o usvajanju programa utroška sredstava s kriterijima raspodjele dijela sredstava „Tekući transfer drugim nivoima vlasti i fondovima-transfer za sanaciju zdravstvenih ustanova u Federaciji BiH“ utvrđenih Budžetom Federacije Bosne i Hercegovine za 2025. godinu Federalnom ministarstvu zdravstva V. broj: 1874/2025, a u vezi sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“ broj 37/24) federalni ministar zdravstva donosi

UPUTSTVO ZA DODJELU DIJELA SREDSTAVA TEKUĆI TRANSFER DRUGIM NIVOIMA VLASTI I FONDOVIMA-TRANSFER ZA SANACIJU ZDRAVSTVENIH USTANOVA U FEDERACIJI BIH

Ovim uputstvom utvrđuje se način i postupak prijavljivanja i ocjenjivanja apliciranih projekata i programa iz sredstava Budžeta Federacije Bosne i Hercegovine po osnovu transfera za sanaciju zdravstvenih ustanova u Federaciji BiH u iznosu od 1.800.000,00 KM.

I. - CILJEVI JAVNOG POZIVA

Svrha dodjele sredstava – prema dostupnim podacima veliki broj javnih zdravstvenih ustanova u Federaciji, naročito na primarnom nivou zdravstvene zaštite ima potrebu za ulaganjima u nedostajuću i zastarjelu opremu, kao i rekonstrukciju postojećih objekata koji su u lošem stanju. U 2024.godini, otpisanost medicinske opreme u zdravstvenim ustanovama u Federaciji BiH iznosi 69%, a kapitalna ulaganja iznose ispod 5% od ukupnih troškova u zdravstvu što jasno ukazuje da su investicijska i kapitalna ulaganja zanemarena u odnosu na druge troškove u zdravstvenom sistemu. Temeljem navedenog, namjena sredstava predmetnog transfera jeste opremanje medicinskom i pratećom opremom i rekonstrukcija, adaptacija ili sanacija postojećih objekata javnih zdravstvenih ustanova u Federaciji BiH.

Osnovni cilj - poboljšanje uslova rada i osiguranje kontinuiteta pružanja zdravstvenih usluga u javnim zdravstvenim ustanovama.

Posebni ciljevi – osiguranje dostupnosti i kvaliteta zdravstvenih usluga u Federaciji BiH te ujednačavanje prava osiguranika na cijeloj teritoriji Federacije BiH.

II. - IZNOS SREDSTAVA ZA RASPODJELU

Ukupan iznos dijela sredstava na poziciji Tekući transfer drugim nivoima vlasti i fondovima-transfer za sanaciju zdravstvenih ustanova u Federaciji BiH utvrđenog Budžetom Federacije BiH za 2025. godinu, Federalnom ministarstvu zdravstva iznosi 1.800.000,00 KM (milion i osamstotina hiljada konvertibilnih maraka).

Projekti/programi podržat će se u skladu sa finansijskim mogućnostima, odnosno u maksimalnom iznosu od 200.000,00 KM po projektu/programu.

Jedan aplikant može aplicirati po javnom pozivu samo sa jednom prijavom.

III.- PRAVO UČESTVOVANJA

Po ovom javnom pozivu pravo učestvovanja imaju javne zdravstvene ustanove sa sjedištem u Federaciji BiH, koje su osnovane od strane kantonalnih, općinskih ili gradskih organa vlasti, i koje ispunjavaju uslove propisane ovim javnim pozivom.

IV.- PRIHVATLJIVE AKTIVNOSTI

Prihvatljive aktivnosti za finansiranje su:

- nabavka medicinske i prateće opreme i
- građevinski i drugi radovi i usluge vezani za provođenje projekta rekonstrukcije, adaptacije ili sanacije postojećih objekata.

V. - OCJENJIVANJE I ODABIR PRIJEDLOGA PROJEKATA

Projektne prijedloge razmotrit će i procijeniti komisija za ocjenu i bodovanje predloženih programa i projekata koju imenuje federalni ministar zdravstva. Sve aktivnosti koje podnositelj prijedloga navede bit će procijenjene u skladu sa sljedećim kriterijima:

(1) Ispunjenje formalno-pravnih uvjeta:

- Prijava dostavljena blagovremeno - u roku predviđenom javnim pozivom;
- Ispravno adresirana i pečatirana koverta (sa naznakom „Prijava na javni poziv za raspodjelu dijela sredstava s pozicije tekućeg transfera drugim nivoima vlasti i fondovima - transfer za sanaciju zdravstvenih ustanova u Federaciji BiH“);
- Dostavljena tražena dokumentacija (original ili ovjerena fotokopija) u skladu sa zahtjevima javnog poziva.

Ukoliko nisu zadovoljeni formalno-pravni uvjeti, prijava se ne može dalje razmatrati.

Procjena kvaliteta projekta, uključujući i predloženi budžet, vršit će se u skladu sa općim i posebnim kriterijima.

(2) Opći kriteriji

Opći kriteriji, odnosno kriteriji sudjelovanja utvrđeni su tačkom II.1. Odluke o usvajanju programa utroška sredstava s kriterijima raspodjele dijela sredstava „Tekući transfer drugim nivoima vlasti i fondovima-transfer za sanaciju zdravstvenih ustanova u Federaciji BiH,, utvrđenih Budžetom Federacije Bosne i Hercegovine za 2025. godinu Federalnom ministarstvu zdravstva V. broj: 1874/2025, i to kako slijedi:

- Upis u mjerodavni sudski registar;
- Rješenje nadležnog ministarstva zdravstva o obavljanju djelatnosti u skladu sa članom 9. Zakona o ustanovama FBiH;

- Uredno ispunjavanje obaveza iz svih prethodno sklopljenih ugovora o finansiranju iz budžetskih sredstava;
- Uredno ispunjenje obaveza plaćanja poreza i doprinosa. U slučaju da ustanova ima sklopljen sporazum sa nadležnom poreskom institucijom o reprogramiranom, odnosno odloženom plaćanju obaveza po osnovu poreza i doprinosa, uvjet je da ustanova u predviđenoj dinamici izmiruje svoje reprogramirane obaveze.

(3) Posebni kriteriji

Posebni kriteriji, odnosno kriteriji odabira programa ili projekata koji će biti finansirani iz transfera za sanaciju zdravstvenih ustanova u Federaciji BiH utvrđeni su tačkom II. 2. Odluke o usvajanju programa utroška sredstava s kriterijima raspodjele sredstava „Tekući transfer nižim nivoima vlasti i fondovima – transfer za sanaciju zdravstvenih ustanova u Federaciji BiH“ utvrđenih Budžetom Federacije Bosne i Hercegovine za 2025. godinu Federalnom ministarstvu zdravstva, i to kako sijedi:

- Usklađenost ciljeva programa ili projekta sa ciljevima javnog poziva,
- Dokazana potreba za opremanjem i rekonstrukcijom – prijava sadrži detaljan opis stanja objekta i/ili opreme, jasnu argumentaciju o potrebi ulaganja sa fotografijama objekata za koja se planiraju ulaganja za rekonstrukciju (planirani programi ili projekti).
- Dokazana potreba za dovršetak započetih programa ili projekata, a za koje raspoloživa sredstva ustanove nisu dostatna (započeti programi ili projekti).
- Geografski položaj ustanove s inkorporiranim stankama površine/teritorija na kojem djeluje ustanova, brojem stanovnika, kao i brojem zdravstvenih ustanova svih razina na području kantona – ustanove koje se nalaze u značajnoj udaljenosti od univerzitetsko-kliničkih centara (Sarajevo, Tuzla, Mostar) imaju prednost.
- Stepenn otpisanosti stalnih sredstava ustanove;
- Prethodna infrastrukturna ulaganja – prednost imaju ustanove koje u prethodnom periodu nisu imale značajnu podršku iz Federalnih budžetskih izvora.
- Budžet programa ili projekta razrađen/specificiran sa sljedećim informacijama:
 - ukupan iznos finansijskih sredstava potreban za provođenje programa ili projekta;
 - iznos koji se traži od davaoca budžetskih sredstava;
 - detaljno razrađen budžet projekta po aktivnostima i vrstama troškova;
- Informacija o rizicima i mogućim problemima u provedbi programa ili projekta,
- Spremnost za realizaciju projekta – dokumentacija kojom se dokazuje spremnost za brzu i zakonitu realizaciju aktivnosti (npr. postojeći glavni projekt, urbanistička/građevinska dozvola, budžetsko sufinansiranje i sl.).
- Postotak vlastitog udjela u finansiranju programa ili projekta.

(4) Sistem bodovanja

Svaki član komisije potpisuje svoju individualnu tabelu za ocjenjivanje, a svi članovi zajedno potpisuju zbirnu tabelu za svaki projektni prijedlog. Rangiranje projektnih prijedloga vrši se na način da je prvoplasirani projektni prijedlog onaj koji ima najveći zbir

bodova, zatim slijedi projekat s prvim sljedećim nižim zbirom bodova, i tako do najnižeg zbira osvojenih bodova.

Maksimalan broj bodova koje aplikant može dobiti je 100, a samo projekti koji su dobili više od 50 bodova bit će razmatrani za finansiranje, jer projektni prijedlozi ispod ovog praga nisu u stanju da zadovolje postavljene standarde te bi efikasnost njihove provedbe mogle biti upitna.

U slučaju da je u okviru raspoloživih sredstava moguće finansirati sva projekte koji imaju više od 50 bodova, isti će biti finansirani u traženom iznosu za sve opravdane troškove definirane u tački V ovog Uputstva.

Ukoliko je broj prijavljenih projekata bodovanih sa više od 50 bodova veći od ukupno raspoloživih sredstava, isti će se finansirati u zavisnosti od broja bodova na osnovu sljedeće formule:

Ukupno raspoloživa sredstva *	Ponderisani broj osvojenih bodova za projekat	= vrijednost koja će se finansirati
	Ukupan ponderisani broj bodova za sve projekte	

Ukoliko se sredstva za finansiranje projekata umanje na ovaj način, u ugovoru će se obavezno navesti koji troškovi se finansiraju i u kojem iznosu, a kako bi se omogućilo bolje praćenje utroška sredstava.

(5) Bodovna shema

Red. br.	OPĆI KRITERIJI	DA	NE
1.	Upis u sudski registar	ü	
2.	Rješenje nadležnog ministarstva zdravstva o obavljanju djelatnosti u skladu sa članom 9. Zakona o ustanovama FBiH	ü	

3.	Uredno ispunjavanje obaveza iz svih prethodno sklopljenih ugovora o finansiranju iz budžetskih sredstava	ü	
4.	Uredno ispunjenje obaveza plaćanja poreza i doprinosa, odnosno uredno ispunjenje tekućih obaveza po sporazumu sa poreznom upravom	ü	

Opći kriteriji su eliminatorni, te samo u slučaju da su svi isti u potpunosti zadovoljeni, pristupa se bodovanju prema posebnim kriterijima.

Red. br.	POSEBNI KRITERIJI	Maksimalan broj bodova	Ocjena
1.	RELEVANTNOST	10	
1.1.	Da li se u projektu navodi povezanost sa strateškim dokumentima iz kojih su izvedeni prioriteti za dodjelu sredstava?	10	
2.	STANJE INFRASTRUKTURE I GEOGRAFSKI POLOŽAJ	35	
2.1.	Udaljenost od kliničkih centara -do 100 km (0 bodova) 100-200 km (5 bodova) 200 i više (10 bodova)	10	
2.2.	Teritorij i broja stanovništva kojeg pokriva ustanova ¹ -veći od prosjeka (5 bodova) -manji od prosjeka (0 bodova)	5	
2.3.	Prethodna ulaganja u infrastrukturu iz budžetskih sredstava od strane osnivača ili bilo kojeg nivoa vlasti - unazad 5 godina (5 bodova) - prije više od 5 godina (10 bodova)	10	-
2.4.	Stepen otpisanosti stalnih sredstava Do 50 % (5 bodova) Preko 50% (10 bodova)	10	-
3.	METODOLOGIJA	25	

¹ Prosjek se izračunava na osnovu zvaničnih podataka objavljenih u izvještaju Statistički godišnjak za 2023.godinu, Zavod za javno zdravstvo Federacije Bosne i Hercegovine.

3.1.	Aktivnosti detaljno opisane i odgovaraju ciljevima i očekivanim rezultatima	10	-
3.3.	Detaljno razrađen budžet projekta po aktivnostima i vrstama troškova	15	-
4.	RIZICI I PRETPOSTAVKE	10	
4.1.	Detaljno obrazloženi mogući rizici i problemi u provedbi programa ili projekta	5	
4.2.	Detaljno obrazložene aktivnosti za prevazilaženje potencijalnih prepreka i problema	5	
5.	ODRŽIVOST	15	
5.1.	Spremnost za realizaciju projekta - postoji glavni projekt, urbanistička/građevinska dozvola, osigurano sufinansiranje, specificirana oprema i sl. (10 bodova) -nije spremna potrebna dokumentacija za početak radova/nabavku opreme/nedostajuća sredstva (0 bodova)	10	
5.2.	Utjecaj programa ili projekta, odnosno koje se promjene očekuju od provođenja programa li projekta.	5	
6.	UČEŠĆE APLIKANTA	5	
6.1.	Vlastiti udjel u finansiranju projekta/programa - da (5 bodova) - ne (0 bodova)	5	

Komisija za ocjenu i bodovanje predloženih programa i projekata sačinjava prijedlog rang-liste korisnika za dodjelu sredstava/prijedlog odluke o dodjeli sredstava iz tekućeg transfera drugim nivoima vlasti i fondovima-transfer za sanaciju zdravstvenih ustanova u Federaciji BiH utvrđenog Budžetom Federacije BiH za 2025. godinu. Komisiju imenuje federalni ministar zdravstva.

Konačnu Odluku o raspodjeli sredstava transfera korisnicima, kojima je nakon provedene procedure odobrena raspodjela sredstava po javnom pozivu, donosi federalni ministar zdravstva i ista će biti objavljena na web stranici ministarstva.

Na osnovu odluke o dodjeli sredstava zaključit će se pojedinačni ugovori kojim će se detaljnije urediti međusobna prava i obaveze korisnika sredstava i Federalnog ministarstva zdravstva.

Vremensko razdoblje za koje se priznaju opravdani troškovi iz tačke VI. ovog Uputstva su isključivo troškovi nastali nakon dodjele sredstava, odnosno nakon zaključivanja ugovora.

VI. - OPRAVDANI I NEOPRAVDANI TROŠKOVI

Prilikom izrade programa/projekata potrebno je planirati i budžet po aktivnostima i po vrstama troška pri čemu treba uzeti u obzir da je iz Budžeta Federacije BiH moguće finansirati samo opravdane troškove, te da se njihova visina mora planirati na realnim osnovama.

Budžet je tabelarni prikaz troškova koji su neophodni kako bi se projekat uspješno realizirao i mora da prati projektni prijedlog.

Troškovi moraju biti jasni, opravdani, dovoljni za provođenje aktivnosti i razvrstani po stavkama. Budžet mora sadržati sve prihvatljive troškove projekta.

Opravdani troškovi:

- troškovi nabavke medicinske i druge prateće opreme za zdravstvene ustanove,
- troškovi investicijskog održavanja medicinske opreme;
- troškovi nabavke sanitetskih i dijaliznih automobila, kao i vozila za hitnu medicinsku službu;
- troškovi građevinskih radova i drugih usluga vezanih za rekonstrukciju, adaptaciju ili sanaciju postojećih objekata,

Neopravdani troškovi:

- Nije dozvoljeno plaćanje ranije izdanih faktura bez obzira po kojem osnovu je nastala obaveza;
- Nije dozvoljena nabavka lijekova i drugog potrošnog materijala, komunalnih usluga i sl.
- Nije dozvoljeno plaćanje troškova tekućeg održavanja.

VII. - POTREBNA DOKUMENTACIJA

Kao dokaz o ispunjavanju općih i posebnih kriterija potrebno je da aplikanti dostave sljedeću dokumentaciju:

1. **Prijavni obrazac/zahtjev** koji će se u elektronskoj formi moći preuzeti sa web stranice Federalnog ministarstva zdravstva: www.fmoh.gov.ba, a koji sadrži sljedeće informacije:
 - a) Podaci o podnosiocu zahtjeva:
 - Naziv podnosioca prijave iz važećeg rješenja o registraciji
 - Adresa, telefon, faks i e-mail podnosioca zahtjeva

- Identifikacijski broj
 - Transakcijski račun i naziv banke
 - Ovlaštena lica za zastupanje (Ime i prezime, kontakt, svojstvo)
- b) Podaci o realizaciji dosadašnjih infrastrukturnih programa/projekata: naziv programa/projekta; izvori finansiranja; godina realizacije
- c) Podaci o dostavljenoj dokumentaciji traženoj javnim pozivom – popis iste/lista
- d) Potpis i pečat odgovornog lica aplikanta/podnosioca prijave
2. **Obrazac projektnog prijedloga** može se preuzeti sa stranice Federalnog ministarstva zdravstva (www.fmoh.gov.ba). Obrazac mora biti elektronski popunjen, u potpunosti i to na jednom od službenih jezika u Federaciji BiH. Na kraju obrasca obavezno navesti mjesto, datum i potpis odgovorne osobe aplikanta, to jest osobe ovlaštene za predstavljanje i zastupanje, te ovjeriti pečatom ustanove.
3. Aktuelni izvod iz registra nadležnog ministarstva pravde/pravosuđa u kome je aplikant registriran - ne starije od šest mjeseci od dana objave javnog poziva (original ili ovjerena kopija-ovjerena u Općini ili u notarskom uredu);
4. Uvjerenje o poreznoj registraciji - ID broj (original ili ovjerena kopija-ovjerena u Općini ili u notarskom uredu);
5. Rješenje nadležnog ministarstva zdravstva o obavljanju djelatnosti u skladu sa članom 9. Zakona o ustanovama FBiH (original ili ovjerena kopija-ovjerena u Općini ili u notarskom uredu);
6. Potvrda od banke u kojoj je navedeno da račun nije blokiran iz koje se vidi broj transakcijskog računa i ID broj korisnika, ne starija od tri mjeseca od dana objave javnog poziva (original ne stariji od tri mjeseca ili ovjerena kopija-ovjerena u Općini ili u notarskom uredu);
7. Potvrda/uvjerenje porezne uprave o urednom ispunjavanju obaveze plaćanja poreza i doprinosa (original ne stariji od tri mjeseca ili ovjerena kopija-ovjerena u Općini ili u notarskom uredu) ili sporazum sa nadležnom poreskom institucijom o reprogramiranom, odnosno odloženom plaćanju obaveza po osnovu poreza i doprinosa uz potvrdu poreskog organa da ustanova u predviđenoj dinamici izmiruje svoje reprogramirane obaveze (kopija Sporazuma i potvrde -ovjerene u Općini ili u notarskom uredu)²;
8. Dokazi o realiziranim infrastrukturnim projektima iz prethodnog perioda, bez obzira na to od koga su sredstva dobivena (potpisani ugovori i potvrde o realizaciji istih

² Ukoliko se aplikant, u skladu sa Zaključkom Vlade FBiH V.broj: 1796/2025 od 05.12.2025.godine, nalazi u postupku sporazumnog reguliranja dužničkih obaveza isti je dužan dostaviti pisanu izjavu o izmirenju tekućih obaveza za poreze i doprinose u 2025.godini (izjava ovjerena u Općini ili u notarskom uredu) te dostaviti kopije Obrasca 2001 i izvode iz banke kojim se isto dokazuje za period januar-novembar 2025.godina (ovjerene pečatom i potpisom odgovorne osobe).

izdate od strane finansijera)(kopije-ovjerene u Općini ili u notarskom uredu);

9. Ovjerena izjava pod punom materijalnom i krivičnom odgovornošću, kojom odgovorna osoba aplikanta potvrđuje da za nevedeni projekat ustanovi nisu odobrena iz drugih izvora za iste namjene (original ili ovjerena kopija-ovjerena u Općini ili u notarskom uredu);
10. Bruto bilans na dan 30.09.2025.godine ovjeren potpisom ovlaštene osobe i pečatom ustanove, a iz kojeg je moguće vidjeti stepen otpisanosti stalnih sredstava (aplikant može dostaviti i dodatnu dokumentaciju ukoliko smatra da istom dokazuje stanje objekata/opreme koju je potrebno zamijeniti/adaptirati i sl.)
11. Dokaz o spremnosti za realizaciju projekta/programa (glavni projekt, urbanistička/građevinska dozvola, ugovor o dodjeli sredstava kojima se sufinansira projekat, specificirana oprema sa procijenjenom vrijednošću nabavke i sl.)(kopija);
12. Dokaz o finansiranju dijela projekta vlastitim sredstvima (Odluka Upravnog odbora i sl.) (kopija-ovjerena u Općini ili u notarskom uredu)

VIII. – NAČIN JAVNOG OBJAVLJIVANJA I ROK ZA PODNOŠENJE PRIJAVA

Prijavni obrazac i obrazac projektnog prijedloga za javni poziv
preuzimaju se na službenoj web stranici Federalnog ministarstva zdravstva –
www.fmoh.gov.ba

Uz popunjene naprijed navedene obrasce, aplikant je dužan priložiti i svu ostalu dokumentaciju navedenu u tekstu ovog Javnog poziva, i to **u jednom primjerku** u originalu ili ovjerenoj kopiji.

Prijave uredno pečatirane i potpisane od strane ovlaštenog lica, dostavljaju se u zatvorenoj koverti sa naznakom:

„Za Javni poziv – raspodjela sredstava transfera drugim nivoima vlasti i fondovima-transfer za sanaciju zdravstvenih ustanova u Federaciji BiH“

Koverta se dostavlja lično ili putem pošte preporučeno na sljedeću adresu:

**Federalno ministarstvo zdravstva
Ul. Titova br. 9.
71000 Sarajevo**

**Rok za dostavljanje prijava je 8 dana od dana posljednje objave
Javnog poziva.
Javni poziv objavit će se u dvije dnevne novine i
na internet stranici Federalnog ministarstva zdravstva.**

Na poledini koverta (ovjerene pečatom podnositelja prijave) obvezno navesti:

- naziv podnositelja prijave
- adresu i kontakt telefon

Biti će odbačene i neće biti predmet daljnjeg razmatranja prijave ako:

- su neblagovremene,
- su neuredne,
- nemaju sve sadržajne elemente,
- ne ispunjavaju uvjete ovog Javnog poziva.

Propisane obrasce i priloge uz Javni poziv aplikanti su dužni uredno i u cijelosti popuniti u skladu s uputama Javnog poziva i kao takve priložiti uz prijavu, a isti se ne smiju mijenjati/ili prilagođavati. U suprotnom takva prijava neće biti razmatrana.

IX.- ROKOVI

Rok za dostavljanje prijava je 8 dana od dana posljednje objave Javnog poziva. Javni poziv će se objaviti na web stranici Federalnog ministarstva zdravstva i u dvije dnevne novine.

Dodatne informacije vezano za javni poziv, moguće je tražiti putem emaila: anamarija.magazinovic@fmz.gov.ba kao i telefona 033 280 806.

Odluka o raspodjeli sredstava bit će objavljena na web stranici Federalnog ministarstva zdravstva i to u roku od 7 dana od dana isteka roka za dostavljanje prijava po ovom Javnom pozivu.

X. – VIDLJIVOST

Prilikom realizacije programa/projekata neophodno je da ministarstvo i korisnik sredstava poštuju pravila vidljivosti. U cilju primjene pravila vidljivosti, korisnik sredstava je u obavezi da objavljuje informacije o finansiranim ili sufinansiranim aktivnostima/programu/projektu, na različite načine: na službenim internet stranicama, putem medija, brošura, konferencija

na određenu temu i publikacija vezanih uz određeni program, na način uređen ugovorom o dodjeli budžetskih sredstava putem transfera.

XI. - PRAĆENJE I IZVJEŠTAVANJE

Korisnici sredstava tekućih transfera su obavezni da dodijeljena sredstva koriste namjenski i da dostave izvještaj sa kompletnom dokumentacijom kojom se dokazuje namjenski utrošak sredstava, saglasno potpisanom ugovoru.

Broj: 01-33-7154/25
Sarajevo, 10.11.2025. godine

MINISTAR

Dr. Nediljko Rimać s.r.